



Uunga:
Inatsisartunut ilaasortaq
Laura Táunâjik
Siumut

**Imerajuttuuneq, aanngajaarniutinik pinngitsuuisinnaannginneq
aningaasanoorajuttuuneq aamma INUUNERITTA pillugit § 37 naapertorlugu
apeqqummut nr. 2017 – 244-mut akissut**

09-11-2017
Suliap nr. 2017 - 24567
All. nr. 6514837

Asasara Laura Táunâjik

Postboks 1160

Oqa.: 34 50 00

Fax: 34 55 05

3900 Nuuk

Email: pn@nanoq.gl

www.naalakkersuisut.gl

Imerajuttuuneq, aanngajaarniutinik pinngitsuuisinnaannginneq,
aningaasanoorajuttuuneq aammalu INUUNERITTA pillugit apeqqutinnut qujanaq.

Akissutigisakka matuma ataani allassimapput.

**1. Imerajuttuuneq aanngajaarniutinillu pinngitsuuisinnaajunnaarneq
aningaasanoorajuttuunerlu nappaatit nalilerneqartarnerat Naalakkersuisut
isumaqatigivaat??**

Aanngajaarniutinik pinngitsuuisinnaannginneq nappaatit isigineqarsinnaanersoq
peqqissutsimik ilinniagallit oqallisigisarpaat.

Innuttaasut peqqinnerulersinniarlugit Peqqissutsimut Naalakkersuisoqarfiup
sulinermini WHO-p kaammattuutaasa malinnissaat anguniagaraa. Aamma
tamatumani pinngitsuuisinnaannginnermut katsorsaanissaq ilaatinneqarluni.

Aanngajaarniutinik pinngitsuuisinnaannginnerup nappaatinut eqqaanarsinnaasumik
inissinneqarnissaanut WHO-p isumaa malillugu tunngavissaqarluarpoq. Apeqqulli
tamanna peqqissutsimik ilisimasalinnik inaarutaasumik suli akissutisineqanngilaq.

Taamaattumillu aanngajaarniutinik pinngitsuuisinnaannginneq nappaatinut
eqqaanarsinnaasumik nappaataasutut sanilliunneqarsinnaanersoq
erseqqinnerusumik akiuminaappoq.

Paasissutissiissutigineqarsinnaavoq Allorfiup 1. januar 2016-imi pilersinneqarneratigut
innuttaasut ataasiakkaat akiliutitaqanngitsumik pinngitsuuisinnaannginnerminnut
katsorsartissinnaalermata. Katsorsaanermut tassunga ilaatinneqarput angalanermi
aningaasartuutaasinnaasut aammalu katsorsartinnerup nalaani ineqarneq.

Tamanna aningaasanut inatsimmi aningaasaliissutitigut qulakkeerneqarpoq aammalu
pinngitsuuisinnaannginnermut katsorsartinneq pillugu Inatsisartut inatsisissaattut
siunnersuutissami 2018-imi Inatsisartut upernaakkut ataatsimiinneranni
Naalakkersuisunit saqqummiunneqalersaartumi ilaatinneqarluni.

Pinngitsuuisinnaannginnermut katsorsartinnermi nappaatit allat assigalugit
suliffeerunnermi ikiorsiissutinik pissarsiaqarnissamut maannangaaq
periarfissaqannginnera Naalakkersuisunit eqqumaffigineqarpoq.

2. Qulaani apequtigisara Naalackersuisut isumaqatiginngippassuk pisortatigoortumik immikkut suliniutigineqarnissanut INUUNERITTA suliniummut saniatigut qanoq aqqissuusseqqinnissaq pilersaarutigineqarpa?

Takuuk siuliani allassimasut.

Inussiarnersumik inuulluaqqusillunga



Agathe Fontain

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

Apeqqut:

1. Imerajuttuuneq aanngajaarniutinillu pinngitsuuisinnaajunnaarneq aningaasanoora-juttuunerlu nappaatit nalilerneqartarnerat Naalakkersuisut isumaqatigivaat?
2. Qulaani apeqqutigisara Naalakkersuisut isumaqatiginngippassuk pisortatigoortumik immikkut suliniutigineqarnissaanut INUUNERITTA suliniummut saniatigut qanoq aaqqissuusseqqinnissaq pilersaarutigineqarpa

(Inatsisartuni ilaasorta, Laura Táunâjik Siumut)

Tunngavilersuut:

Aalajangiunneqarnikuuvoq imigassamut, aanngajaarniutinut aningaasanoornermullu pinngitsuuisinnaajunnaarnermit katsorsartinneq akeqanngitsumik neqeroorutaalissasoq.

Inuit katsorsartikkusukkaluartut pisortanit aningaasatigut ikiorserneqarnissaat ajornartinneqartarpoq pinngitsuuisinnaajunnaarnerit qulaani taaneqartut nappaatit isigineqannginneri tunngavilersuutigalugit.

Tamatumalu kingunerisarpaa napparsimanerup nalaani suliffeerukkallarnermi ikiorsiissutinik pisinnaasanninnerat. Taamaalillunilu akiligassanut kinguaattoornerit pilersarlutik.

Tamanna qaangerniarlugu pissusissamisuusaaq inuit katsorsartikkusuttut aningaasatigut aporfeqannginnissaat ukkatarineqarnissaat.

Kissaatigaara apeqqutima ullut suliffiusut qulit iluanni akineqarnissaat